



欽定協紀辨方書卷二

本原二

二十四方位

正五行

中針雙山五行

縫針三合五行

洪範五行

墓龍變運

年月尅山家

欽定協紀辨方書

卷二

本原二目錄

二十四節氣方位

八卦納甲三合


小遊年變卦

大遊年變卦

遊年變卦圖



二十四方位



卦四天干八地支十二共爲二十四方位陰陽家名
 二十四山言山則向在其中如子山則必午向午山
 則必子向壬山則必丙向丙山則必壬向之類是也
 八卦惟用四隅而不用四正者以四正卦正當地支
 子午卯酉之位故不用卦而用支用支卽用卦也八
 卦既定四正則以八干輔之甲乙夾震丙丁夾離庚
 辛夾兌壬癸夾坎四隅則以八支輔之戌亥夾乾丑
 寅夾艮辰巳夾巽未申夾坤合四維八干十二支共
 二十四天干不用戊己者戊己爲中央土無定位也


以二十四山分屬八卦則一卦筊三山戌乾亥屬乾
 壬子癸屬坎丑艮寅屬艮甲卯乙屬震辰巽巳屬巽
 丙午丁屬離未坤申屬坤庚酉辛屬兌謂之八宮以
 二十四山分屬五行諸家不同各具各義

欽定協紀辨方書

卷二 本原二十四方位


三

正五行




亥壬子癸屬水寅甲卯乙巽屬木巳丙午丁屬火申
 庚酉辛乾屬金辰未戌丑坤艮屬土此八卦干支之
 五行也後有雙山洪範諸家因名此爲正五行

中針雙山五行



圖外層所列爲正針乃二十四山之正位內層所列爲中針其子位在正針壬子二位之間此正針先半位其雙取者爲雙山其取三合者爲雙山五行地理家格龍用之蓋龍爲來脉故用先至者承之乃無失也


縫針三合五行



圖外層所列爲正針內層所列爲縫針其子位在正針子癸二位之間比正針後半位其雙取三合者爲三合五行與雙山同特比中針正差一位耳地理家用以消砂納水蓋砂水爲去路故用後至者收之乃無遺也

按雙山五行卽三合五行也地支十二取生旺墓三者爲三合局而四卦八干各在支前一位今以支前一位之卦干與支雙並而同取地支三合之五行故曰雙山五行坤申壬子乙辰合水局六山皆屬水乾亥甲卯丁未合木局六山皆屬木艮寅丙午辛戌合火局六山皆屬火巽巳庚酉癸丑合金局六山皆屬金地理書曰正五行乃五行之質雙山五行乃五行之氣故推龍氣之生旺用雙山而不用正五行也又地理家有三針一曰正針乃二十四山之正位定向用之一曰中針其子位在正針壬子二位之中格龍用之一曰縫針其子位在子癸二位之縫消砂納水用之故中針與縫針差一位在中針則曰雙山五行在縫針則曰三合五行其實皆雙山法也

洪範五行



欽定協紀辨方書

卷二

本原二洪範五行

七

甲寅辰巽戌坎辛申八山屬水離壬丙乙四山屬火
 震艮巳三山屬木乾亥兌丁四山屬金丑癸坤庚未
 五山屬土

地理大成曰洪範者即正五行而進推其本初之氣
 者也子午卯酉五行之正位故無變卯為木木必藉
 水故甲變水酉屬金金必藉土故庚變土午為火火
 不必木生而生于日之光故丙為太陽之火子為水
 水不必藉金生而反根于火水不得火則寒凍而冰
 死故壬為水中之火卯為木木旺則喜生火故乙為

火酉爲金金旺則喜生水故辛爲水午爲火火旺則喜鎔金故丁爲金子爲水水旺無土則散故癸爲土此十二位皆以八干輔成四正之氣其中水火異于金木者金木以形用其理易直水火以神用其妙奧曲也四生者四正之始氣水之始本于金故亥是金木之始本于水故寅是水火之始本于木故巳是木金之始本于土而申不變土而變水者燥土不生金土必得水而生金水實金之始氣道家所以水中求金故申是水也四墓者四正之歸氣萬物生則向上歸則向下在下之物水土是也火歸于土而灰水歸于土而涸故丑未爲土金出于土不復能歸于土木出于土亦不能歸于土故同歸于水金入水則沉木入水則朽故辰戌爲水也四維者四方之交也乾本生北水之金坤本生西金之土二老也故不變艮居水木之交受水以生木而土不能生木故從而變木異居木火之交木固能生火而火實根于水蓋坎中之陽爲火根離中之陰爲水根水火互爲其根故巽變水以爲火根也

神煞起例曰晉趙載註郭氏元經山家五行篇不用
正五行而用洪範可見其傳已久或謂始于唐時一
行禪師者妄也惜郭趙諸公用之而未嘗解釋其義
逮元季無著大士始有紫白原本連山洪範論以洛
書方位生成奇耦之數定五行而分吉凶又皆引而
不發人不能解後見楚江萬民英所註三命通會論
河圖及洪範五行頗有發明其言曰古者庖羲氏之
王天下也則河圖以作八卦故序乾坤坎離震巽艮
兌之名設天地日月風雷山澤之象繫辭曰天地定

欽定協紀辨方書

卷二

本原二洪範五行

九

位山澤通氣雷風相薄水火不相射八卦相錯八卦
成列而二十四位同行乎其中迨夫以陰陽消息驗
之八卦之變甲本屬木納卦于乾乾與坤對以坤
之上下二爻換乾之上下二爻化成坎象甲隨
坎化故屬水也乙本屬木納卦于坤坤與乾對以乾
之上下二爻換坤之上下二爻化成離象乙
受離化故屬火也丙本屬火納卦于艮艮與兌對以
兌之下爻換艮之下爻化成離象丙受離化
故屬火也丁本屬火納卦于兌兌與艮對以艮之

上爻換兌 ☱ 之上爻化成乾 ☰ 象丁受乾化故屬金也庚本屬金納卦于震震與巽對以巽 ☴ 之下爻換震 ☳ 之下爻化成坤 ☷ 象庚受坤化故屬土也辛本屬金納卦于巽巽與震對以震 ☳ 之上爻換巽 ☴ 之上爻化成坎 ☵ 象辛受坎化故屬水也壬本屬水納卦于離離與坎對以坎 ☵ 之中爻換離 ☲ 之中爻化成乾 ☰ 象壬受乾化本當屬金納于離火火焰金銷不能退立而自附于離火立焉故屬火也癸本屬水納卦于坎坎與離對以離 ☲ 之中爻換坎 ☵ 之中爻

化成坤 ☷ 象癸受坤化故屬土也此八干納卦之變其爻之交換雖有不同而要各有取義如乾坤上下二爻交者取象于否泰之義故曰天地定位震艮以上爻交于巽兌巽兌以下爻交于震艮者取象于咸恒損益之義故曰雷風相薄山澤通氣坎離以中爻交于乾坤乾坤以中爻交于坎離取象于既濟未濟故曰水火不相射是也至八卦所屬之五行變不變雖有不同而亦各有取義乾坤本乎金土而不變者乃陰陽之祖宗衆卦之父母也退身于休息之地老

亢而不變也坎離震兌位乎四正金木水火而不變者以子午卯酉陰位各專四旺之地宣布四時之令而氣化行焉故不變也艮巽用變者艮土易位于坎震東北之界處身于衰丑病寅之間思于更相代立自然成山而化木也巽木易位于震離東南之界立身于衰辰病巳之間不能自立反歸于水辰爲墓地故巽辰皆水也亥本屬水因金以生乘代金立故亥屬金也寅本屬木因水以生乘代水立故寅屬水也巳本屬火因木以生乘震之衰代震而立故巳屬木

也申本屬金水能生申金助水勢故申屬水也辰戌丑未五方五土之神分爲四季作造化甄陶之主爲厚載之質本不可變因土以生木木附于土奪土一半爲水水動土靜辰戌陽之動也故屬水丑未陰之靜也故屬土化氣五行所取之由大率類此蓋天地交而萬物通上下交而德業成男女交而志氣同古往今來未有不交合而能成其造化者也衰病代謝未有不繼禪乘代而能致化機之運者也故洪範爲大五行凡人命遇甲乙丁庚辛壬癸干居于乾艮巽

坤之鄉又當以所變者而論之與十干化氣六十納音納甲相參互看不可只以河圖正五行論

儲泳祛疑說曰自古所用大五行雖郭璞元經亦守其說謂之山家五行然先輩皆謂莫曉其立法之因既無可考之理古今豈肯通用而不疑者哉深思其理求之太乙統紀之數而不可得求之皇極先天中天之數而不可得求之後天化合五運六氣之說而不可得反而求之卦畫於是得其說焉分列於後庶幾易見

欽定協紀辨方書

卷二 本原二洪範五行

三

乾卦納壬甲

乾為天天一生水

戌

壬戌水

子

坎正卦寅

甲寅水

甲

甲屬寅 乾卦納甲

水

辰

壬辰水

巽

壬辰水 巽屬辰

申 甲申水

辛

乙酉水 辛屬酉

戌屬乾自戌順一周匝至辛而極乾陽極而變

坤故辛納乙

坤納乙癸

坤為君火

午

離正卦

丙

乙巳火 丙屬巳

火

乙 坤卦納

壬

乙亥火 壬屬亥

坤用乙而不及癸者六癸皆不化火也癸却自

化木

卯 震正卦 艮屬丑木
未 癸未木 巳巳木

酉 兌正卦 庚戌金 乾屬戌
亥 辛亥金 丁兌卦納甲

土 坤卦 本宮正 丑辛丑土
癸 庚子土 庚戌申土 庚屬申

木受坤化終於己之陰土
土受乾化終於戌之陽土

欽定協紀辨方書

卷二 本原二 洪範五行

三

乾用壬申而生水坤乙生火而癸生木各主八位乾坤用足繼以長男長女庚辛運化金土攸定五氣迭布造化之功備矣本以卦畫象數叅之六十甲子始得窺其立法之端倪不悖經旨允合象數後有明者不易吾言矣○大五行出於乾坤者十二位出於六子者亦十二位合六子足以當乾坤之數蓋乾坤之策三百六十合六子之策亦三百六十足以當乾坤之策也但郭景純所載未本屬木而金土木各得四位故山家五行篇曰癸丑坤庚名稼穡艮震己未曲

直應今皆以未屬土殆必有所據其理亦通木三金四土五是也然一爲數之元總攝八位可也火何以不二不七而四耶二說未知孰是將以質諸專門之學造理之士云山家五行郭景純旣以名篇又於葬元一篇論坎坤水土之山則曰崇土益申長生位也及論艮山則曰崇土益亥非木之長生乎論巽山則曰崇土益申水長生也此又景純筆之書而用大五行之明證也○醫書有左癱右瘓之證人身一氣脉也一息往來骨節毛竅何往不達及其感疾左癱者

病不及右右瘓者病不及左五臟六腑一而已矣豈有界限使左之病不得右而右之病不得左耶夫五臟皆一而腎獨有二左爲腎而藏精右爲命而藏氣神依氣立故曰神門配壬子之水是以人之精敗者必左癱氣敗者必右瘓兩腎各有所主故其病亦各有所歸壬子一位也子屬水而壬屬火左腎配子右腎配壬子水爲精壬火爲神五臟猶五行也六腑猶六神也甲乙配青龍丙丁配朱雀庚辛配白虎壬癸配元武戊乃配勾陳己乃配騰蛇蓋坎水納戊離火

納己故五行而有六神猶五臟而有六腑壬火子水之說近取諸身理尤明甚

今按地理大成之論世所共宗顧牽強支離不足以厭人之心神煞起例所載八千位以卦變而從化似爲合矣至于壬不從金則又不可通於是自改其例且所爲換爻者亦人之換之以湊合其說非理氣自然不得不換者也至其他遷就處亦不異于地理大成至于儲泳祛疑說以納甲納音得之實超出兩家之上言有本末但癸化木一語究無著落今按葬藏

欽定協紀辨方書

卷二

本原二洪範五行

五


于土而土氣之生死在水故論正五行止有水土二行其金山火山木山云者皆言其形似而非真也所以不用而此洪範五行之說水居八而土居五爲獨多也坎水離火兌金震木乾金坤土神煞起例謂其不變是已顧其餘者亦各從方位實有之五行而挾其幽元之義要亦不得謂之變也艮統丑寅其方爲木之始氣故爲木巽統辰巳其方爲水之尾閭故爲水然艮方本土也巽方本木也故丑爲土而已爲木震統甲乙兌統庚辛木金之全局也震爲木木之爲

行也其滋膏皆水而生氣皆火也是故始於水而終
于火其始必由雨露之澤焉其終往往出火以自焚
故甲水而乙火也水者震之所以爲龍也火者震之
所以爲雷也兌爲金金之爲行也水土之所際由水
土相比久而成石石乃生金金生而泉發是故始于
土而終於水其始必土其終必水故庚爲土而辛爲
水其土也兌之所以爲剛鹵也其水也兌之所以爲
澤也坎統壬癸離統丙丁水火之全局也坎爲水四
獸北方有兩龜爲水而蛇爲火是以壬納于離水又

比于土地中之水離地卽失其性癸地中之水也故
壬爲火而癸爲土離爲火火能成金無火則金終埋
于土是以丁爲庚夫而兌納丁丙者日也八干之中
唯丙當與乾坤同例故丙爲火而丁爲金日月與乾
坤同而專言日者辛爲月月爲水辛固水也若夫寅
之爲水則以地不滿東南自析木之津以達于巽之
地戶皆積水之區所爲尾閭洩之不知何時已者也
故寅甲辰巽皆水也若夫亥之爲金也則以天不滿
西北自少昊之墟以至于亥之天門皆積山之區山

者石而石者金故兌乾亥皆金也金積于西北而水盛于東南海為百川之朝宗而河為之源焉祭川所以先河後海也河源出于崑崙戎位也故戎為水也史記天官書曰雲漢者其本水河圖括地象曰河精為天漢唐書天文志曰北斗自乾攜巽為天綱雲漢自坤抵艮為地紀然則寅申者水之終始也故寅為水而申亦水也要而論之皆幽元之義實有之理而非或變或不變任人造作者也

墓龍變運



通書大全曰二十四山洪範五行爲正運用本年五
子元遁數至本山墓辰其墓辰之納音爲變運取太
歲納音與本年墓運納音相生合爲吉墓運納音尅
太歲納音尤吉惟忌年月日時之納音尅墓運納音
耳

甲寅辰巽戌坎辛申八山正運屬水丑癸坤庚未五
山正運屬土水土墓在辰

甲己年戊辰木運忌用金年月日時
乙庚年庚辰金運忌用火年月日時

欽定協紀辨方書

卷二

本原二墓龍變運

六

丙辛年壬辰水運忌用土年月日時
丁壬年甲辰火運忌用水年月日時
戊癸年丙辰土運忌用木年月日時
離壬乙四山正運屬火火墓在戌

甲己年甲戌火運忌用水年月日時
乙庚年丙戌土運忌用木年月日時
丙辛年戊戌木運忌用金年月日時
丁壬年庚戌金運忌用火年月日時
戊癸年壬戌水運忌用土年月日時

震艮巳三山正運屬木木墓在未

甲己年辛未土運忌用木年月日時

乙庚年癸未木運忌用金年月日時

丙辛年乙未金運忌用火年月日時

丁壬年丁未水運忌用土年月日時

戊癸年己未火運忌用水年月日時

乾亥兌丁四山正運屬金金墓在丑

甲己年乙丑金運忌用火年月日時

冬至後丁丑水運忌用土年月日時

欽定協紀辨方書

卷二

本原二墓龍變運

九

乙庚年丁丑水運忌用土年月日時

冬至後己丑火運忌用水年月日時

丙辛年己丑火運忌用水年月日時

冬至後辛丑土運忌用木年月日時

丁壬年辛丑土運忌用木年月日時

冬至後癸丑木運忌用金年月日時


戊癸年癸丑木運忌用金年月日時

冬至後乙丑金運忌用火年月日時

按墓龍者本山龍洪範五行之墓庫變運者本墓庫

之納音隨歲運而變者也用五子元遁者與七政自冬至起算同義上年冬至巳屬今年今年冬至卽屬明年天地之運皆自子始也然五子元遁始子終亥而一歲統四時冬至後丑月歲君未更而墓運巳改丑爲金墓故金山之墓運冬至後又重變也如甲山正運屬水水墓在辰甲巳年五子元遁自甲子順數得戊辰納音屬木卽爲木運乾山屬金金墓在丑甲巳年五子元遁自甲子順數得乙丑納音屬金卽爲金運冬至後屬乙庚年用乙庚年五子元遁自丙子順數得丁丑或用甲巳年五子元遁自甲子順數至乙亥又進而順數至丑亦得丁丑納音屬水卽爲水運餘倣此

年月尅山家



欽定協紀辨方書

卷二

本原二年月尅山家


三

通書大全曰本年二十四山墓龍變運某山運爲年
 月納音所尅卽爲年月尅某山惟新建宅舍新立墳
 塋論之其拆修豎造不動地基及舊塋附葬者皆不
 論

如甲子年納音屬金本年水土山墓運戊辰屬木受
 年納音之尅卽爲本年尅甲寅辰巽戌坎辛申八水
 山丑癸坤庚未五土山也甲子年丙寅丁卯甲戌乙
 亥月納音屬火本年金山墓運乙丑屬金受月納音
 之尅卽爲正二九十月尅乾亥兌丁四金山也戊辰

己巳月納音屬木本年木山墓運辛未屬土受月納音之尅卽爲三四月尅震艮己三木山也庚午辛未月納音屬土本年二十四山無水運卽其月無尅也壬申癸酉月納音屬金與本年納音同故亦尅水土山也丙子丁丑月納音屬水本年火山墓運甲戌屬火受月納音之尅卽爲十一月尅離壬丙乙四火山也又如壬申年納音屬金本年二十四山無木運惟冬至後金山墓運癸丑屬木受年納音之尅卽爲本年二十四山並無尅冬至後尅乾亥兌丁四金山也日時尅山家俱倣此凡自年月起山家之法用本年五子元遁歷數丑辰未戌四墓納音爲年月納音所尅者其墓爲某山之墓卽爲年月尅某山蓋墓龍變運從山起而忌年月此從年月起而尅山家叅互相推其理一也

二十四節氣方位



欽定協紀辨方書


卷二

本原三十四節氣方位

三

立春艮雨水寅驚蟄甲春分震清明乙穀雨辰立夏
 巽小滿巳芒種丙夏至離小暑丁大暑未立秋坤處
 暑申白露庚秋分兌寒露辛霜降戌立冬乾小雪亥
 大雪壬冬至坎小寒癸大寒丑四立二分二至正應
 八卦是爲八節奇門九局皆起于此

八卦納甲三合



欽定協紀辨方書

卷二

本原二八卦納甲三合

雷

乾納甲坎納癸申辰艮納丙震納庚亥未巽納辛離
 納壬寅戌坤納乙兌納丁巳丑坎離不納戊己者二
 十四山無戊己故離納乾之壬坎納坤之癸其法不
 知所自來今按啓蒙附論曰火之體陰也其用則陽
 而天用之故乾中畫與坤交而變為離水之體陽也
 其用則陰而地用之故坤中畫與乾交而變為坎然
 則坎離納戊己者固先天之傳而離納壬坎納癸則
 後天之用也其四正卦兼納八支取與本卦支為三
 合局地理家之坐山九星淨陰淨陽皆起于此

小遊年變卦

小遊年變卦青囊經謂之九曜亦名翻卦從乾卦翻者爲天父卦從坤卦翻者爲地母卦皆由天定卦翻變而出地理家之淨陰淨陽三吉六秀八貴十二吉龍皆本于此後世借以爲男女生命合婚之用故名遊年因陽宅又有遊年變卦之法故此爲小遊年其法以貪狼巨門祿存文曲廉貞武曲破軍左輔右弼爲序以八卦而論則右弼與左輔同宮以九宮而論則貪狼爲一白屬水巨門爲二黑屬土祿存爲三碧

欽定協紀辨方書


卷二

本原二小遊年變卦

三

文曲爲四綠屬木廉貞爲五黃屬土武曲爲六白破軍爲七赤屬金左輔爲八白屬土右弼爲九紫屬火又以五星而論則貪狼爲生氣屬木巨門爲天醫祿存爲絕體屬土文曲爲遊魂屬水廉貞爲五鬼屬火武曲爲福德破軍爲絕命屬金輔弼從本宮無帶屬地理家從龍上起以貪狼巨門武曲廉貞爲吉祿存文曲破軍輔弼爲凶選擇家從向上起以貪狼巨門武曲文曲爲吉祿存廉貞破軍輔弼爲凶其取義各自不同卦例具詳於後

天定卦



欽定協紀辨方書


卷二

本原三不遊年變卦

美

天定卦例以乾艮坎震後天四陽卦橫列于下離巽坤兌後天四陰卦橫列于上而按先天生卦之序乾與兌對離與震對巽與坎對艮與坤對自本宮對卦一上一下次第翻之中起中止傍起傍止

按天定卦例止取本卦之上爻變者為對卦所以便于翻轉究之乾震居中艮坎居傍陽卦居上陰卦居下亦無不可者地理大成另有三式然則非果有一定也




欽定協紀辨方書

卷二 本原二小遊年變卦

三

天父卦從乾翻起自上而中而下而復中而復上以
 次遞變乾上交變為兌為貪狼兌中爻變為震為巨
 門震下爻變為坤為祿存坤中爻變為坎為文曲坎
 上交變為巽為廉貞巽中爻變為艮為武曲艮下爻
 變為離為破軍離中爻變復為乾為輔弼是為傍起
 傍止

地母卦



欽定協紀辨方書

卷二

本原二小遊年變卦

亥

地母卦從坤翻起坤上交變為艮為貪狼艮中爻變為巽為巨門巽下爻變為乾為祿存乾中爻變為離為文曲離上交變為震為廉貞震中爻變為兌為武曲兌下爻變為坎為破軍坎中爻變復為坤為輔弼是為中起中止

按青囊經太元終易圖以坤為本宮說云坤為地母諸山所托三吉六秀勢定於此卦例訣曰經云三吉只求來勢好但以地母卦為主求其艮丙巽辛兌丁巳丑震庚亥未十二陰龍諸山所托之故也邱公頌

曰三般大卦如何起元女當年親口傳三吉只求來勢好向家須變鬼爻看註曰坤爲地母諸山所托察龍坤卦索求三吉後世因此遂有地理貴陰之說今按青囊卦例八宮皆稱地母三吉註曰三吉來山陽山陰落陰山陽落上吉陽山陽落而陰水朝陰山陰落而陽水朝次吉然則山不皆陰第以與水相配爲吉所謂地母卦者特舉坤以見例耳如坤爲本龍艮爲貪狼巽爲巨門兌爲武曲故以艮巽兌爲三吉艮納丙巽納辛兌納丁故以丙辛丁並三吉爲六秀又

欽定協紀辨方書

卷二

木原二小遊年變卦

三九

艮巽震兌四卦抽去中爻餘上下二爻皆陰陽得配謂之九六衝和震卦廉貞雖凶而以得配爲吉震納庚故以震庚並三吉六秀爲八貴又兌之三合爲巳丑震之三合爲亥未故以巳丑亥未并八貴爲十二吉山皆由地母卦而定然八宮皆有九曜天父卦得天定卦之乾兌相對巽坎相對地母卦得天定卦之離震相對艮坤相對而六子之用備具故翻卦之法舉天父地母以見例十二吉山又專舉地母以見例邱公頌所謂後來翻作八山推者是也

兌 輔兌 起
☱

坤 武坤
☷

巽 文巽
☴

離 巨離
☲

止 破震
☳

廉坎
☵

祿艮
☶

貪乾
☰

欽定協紀辨方書

卷二

木原二小遊年變卦


三

兌卦上爻變為乾為貪狼乾中爻變為離為巨門離
下爻變為艮為祿存艮中爻變為巽為文曲巽上爻
變為坎為廉貞坎中爻變為坤為武曲坤下爻變為
震為破軍震中爻變復為兌為輔弼


異宮翻卦

欽定協紀辨方書
卷二
本原二小避年變卦

巽卦上爻變為坎為貪狠坎中爻變為坤為巨門坤
下爻變為震為祿存震中爻變為兌為文曲兌上爻
變為乾為廉貞乾中爻變為離為武曲離下爻變為
艮為破軍艮中爻變復為巽為輔弼



坎宮翻卦



欽定協紀辨方書


卷二

本原二小遊年變卦

三

坎卦上爻變為巽為貪狼巽中爻變為艮為巨門艮
 下爻變為離為祿存離中爻變為乾為文曲乾上爻
 變為兌為廉貞兌中爻變為震為武曲震下爻變為
 坤為破軍坤中爻變復為坎為輔弼○以上三卦俱
 用天父卦例

艮宮翻卦



欽定協紀辨方書


卷二

本原二小遊年變卦

三

艮卦上爻變為坤為貪狼坤中爻變為坎為巨門坎
 下爻變為兌為祿存兌中爻變為震為文曲震上爻
 變為離為廉貞離中爻變為乾為武曲乾下爻變為
 巽為破軍巽中爻變復為艮為輔弼

震宮翻卦



欽定協紀辨方書


卷二

本原二小遊年變卦

蓄

震卦上爻變為離為貪狼離中爻變為乾為巨門乾
 下爻變為巽為祿存巽中爻變為艮為文曲艮上爻
 變為坤為廉貞坤中爻變為坎為武曲坎下爻變為
 兌為破軍兌中爻變復為震為輔弼

離宮翻卦



欽定協紀辨方書

卷二

本原二小遊年變卦

三

離卦上爻變為震為貪狼震中爻變為兌為巨門兌
 下爻變為坎為祿存坎中爻變為坤為文曲坤上爻
 變為艮為廉貞艮中爻變為巽為武曲巽下爻變為
 乾為破軍乾中爻變復為離為輔弼○以上三卦俱
 用地母卦例

按翻卦之法皆以上一爻變為生氣貪狼上二爻變
 為天醫巨門下一爻變為五鬼廉貞下二爻變為福
 德武曲上下二爻變為遊魂文曲中爻變為絕命破
 軍三爻俱變為絕體祿存三爻俱不變為伏位輔弼

蓋取上一爻變上二爻變或下一爻變下二爻變者則乾坤坎離四陽卦必變爲震艮兌巽之四陰而四陰卦必變爲四陽故爲三吉以取坐山之用地理家所謂陽龍坐陰山立陽向陰龍坐陽山立陰向是也山與向既有陰陽之不同故論向者又自本宮五鬼方之對位起貪狼而以本宮與五鬼互易謂之五鬼卦如乾爲本宮巽爲五鬼乃轉以巽爲本宮自巽對宮坎上起貪狼坤爲巨門震爲祿存兌爲文曲乾爲五鬼離爲武曲艮爲破軍巽爲輔弼然後乾巽互易

仍以乾爲本宮巽爲五鬼則所得坎坤離之三吉又皆與乾本宮成淨陽而其卦變遂一上一下以輔武破廉貪巨祿文爲序然則變卦之吉凶皆以所分之陰陽爲定耳未必有深義也或謂按諸卦例亦有合焉者其說曰先天八卦上一爻變者本象所生陰陽相配相生相比是猶同氣而相得者也故爲生氣上二爻變者本儀所生奇偶相配相制而不相害是猶補偏而救弊者也故曰天醫下一爻變者陽往交陰陰往交陽往爲屈屈爲鬼而卦序皆相隔五位故曰

五鬼下二爻變者老少同情陰陽交易志相得氣相生故爲福德上下二爻變者陽儀隔位而交于陰陰儀隔位而交于陽陰陽奇偶俱不相配故曰遊魂中一爻變者陽儀隔位而還于陽陰儀隔位而還于陰其氣反歸而交尅故曰絕命三爻俱變則卦位對衝全非本體故曰絕體三爻俱不變則自得本宮故曰伏位猶云伏吟者也在八宮卦象則上交持世卦爲本宮伏位初世卦爲五鬼二世卦爲福德三世卦爲絕體四世卦爲天醫五世卦爲生氣遊魂卦爲遊魂

歸魂卦爲絕命如乾遇乾則成重乾爲上交持世卦是爲伏吟乾巽相遇則成姤小畜皆初世卦爲五鬼乾艮相遇則成遯大畜皆二世卦爲福德乾坤相遇則成泰否皆三世卦爲絕體乾震相遇則成无妄大壯皆四世卦爲天醫乾兌相遇則成履夬皆五世卦爲生氣乾坎相遇則成需訟皆遊魂卦爲遊魂乾離相遇則成同人大有皆歸魂卦爲絕命餘皆倣此今按先天之說甚巧其八宮卦象則唯絕體遊魂絕命與卦變義合餘無所取蓋特以此爲記耳圖列於後

大遊年變卦

大遊年變卦相宅家用之選擇有以宅長行年配合修造之說故名遊年因地理亦有遊年變卦之法故此名大遊年小陰而大陽也其法亦由天定卦翻變而出而以貪狼廉貞武曲文曲祿存巨門破軍輔弼爲序如乾爲本宮乾上爻變爲兌爲貪狼兌中爻變爲震爲五鬼震下爻變爲坤爲武曲坤中爻變爲坎爲文曲坎上爻變爲巽爲祿存巽中爻變爲艮爲巨門艮下爻變爲離爲破軍離中爻變復爲乾爲輔弼

欽定協紀辨方書

卷二

本原二天遊年變卦

三

貪狼與小遊同亦曰生氣廉貞卽小遊之巨門亦曰五鬼武曲卽小遊之絕體又曰延年文曲與小遊同又曰六煞祿存卽小遊之五鬼又曰禍害巨門卽小遊之福德亦曰天醫破軍輔弼與小遊同蓋陽宅之法以乾兌爲老陽艮坤爲老陰離震爲少陰巽坎爲少陽二老相配爲西四宅二少相配爲東四宅東西各自相配爲吉交錯相配爲凶故變卦之吉凶與小遊年有同異耳翻卦之法皆以上一爻變爲生氣貪狼下二爻變爲天醫巨門三爻俱變爲延年武曲三

爻俱不變爲伏位輔弼蓋上一爻變者則乾兌互變
 艮坤互變離震互變巽坎互變下二爻變者則乾艮
 互變兌坤互變離巽互變震坎互變三爻俱變者則
 乾坤互變兌艮互變離坎互變震巽互變三爻俱不
 變者則自得本宮皆老少各自相配故爲吉也外此
 則老少交錯相配故爲凶也在八宮卦象則上爻持
 世卦爲伏位初世卦爲禍害二世卦爲天醫三世卦
 爲延年四世卦爲五鬼五世卦爲生氣遊魂卦爲六
 煞歸魂卦爲絕命與小遊年例亦有異同圖並列後

欽定協紀辨方書

卷二


本原二天遊年變卦

三

上一爻變圖

小遊年生氣吉


大遊年生氣吉



乾上一爻變為兌兌上一爻變為乾離上一爻變為震震上一爻變為離巽上一爻變為坎坎上一爻變為巽巽上一爻變為坤坤上一爻變為艮乾兌老陽所生離震少陰所生巽坎少陽所生艮坤老陰所生乃先天生卦自然之序乾兌兩金相比震離木火相生坎巽水木相生艮坤兩土相比而後天乾陽兌陰震陽離陰坎陽巽陰艮陽坤陰乾坤坎離配洛書之奇兌震艮巽配洛書之偶又皆陽陰得配是為最吉之象故小遊年大遊年皆以為生氣也

上二爻變圖

小遊年天醫吉
大遊年五鬼凶




乾上二爻變爲震震上二爻變爲乾兌上二爻變爲離離上二爻變爲兌巽上二爻變爲坤坤上二爻變爲巽坎上二爻變爲艮艮上二爻變爲坎乾震金木相尅兌離火金相尅皆爲陽儀所生巽坤木土相尅坎艮土水相尅皆爲陰儀所生洛書又陰陽相配有相制而不相害之義故小遊年以爲天醫大遊年則以其老少不相配爲凶又以相尅爲鬼故爲五鬼義各有取也

欽定協紀辨方書 卷二 本原二遊年變卦圖

下一爻變圖

小遊年五鬼凶
大遊年禍害凶



乾下一爻變為巽巽下一爻變為乾兌下一爻變為坎坎下一爻變為兌離下一爻變為艮艮下一爻變為離震下一爻變為坤坤下一爻變為震以乾兌離震之四陽往交于巽坎艮坤之四陰巽坎艮坤之四陰往交于乾兌離震之四陽老少皆不相配故小遊年以往而屈者為鬼又先天卦序皆隔五位故為五鬼大遊年既取相尅者為鬼則以此為禍害皆不吉也

欽定協紀辨方書

卷二


本原二遊年變卦圖

望

下二爻變圖

小遊年福德吉

大遊年天醫吉



乾下二爻變爲艮艮下二爻變爲乾兌下二爻變爲坤坤下二爻變爲兌離下二爻變爲巽巽下二爻變爲離震下二爻變爲坎坎下二爻變爲震乾艮土金相生兌坤土金相生二老相配巽離木火相生坎震木土相生二少相配論八卦則以陰陽自得爲德論九宮則以陰陽相得爲德故小遊年以爲福德大遊年以三爻全變之卦老長中少正配爲吉不曰福德而曰延年則以此爲天醫皆吉卦也

上下二爻變圖

小遊年遊魂凶


大遊年六煞凶



乾上下二爻變為坎坎上下二爻變為乾兌上下二爻變為巽巽上下二爻變為兌離上下二爻變為坤坤上下二爻變為離震上下二爻變為艮艮上下二爻變為震二儀四象交相變易而八卦九宮陰陽老少皆不相配往而不相得故小遊年以為遊魂大遊年則以其為本宮卦第六變故為六煞皆不吉也

中一爻變圖


小遊年絕命凶
大遊年絕命凶



乾中爻變為離離中爻變為乾兌中爻變為震震中
 爻變為兌巽中爻變為艮艮中爻變為巽坎中爻變
 為坤坤中爻變為坎乾離火金相尅兌震金木相尅
 異艮木土相尅坎坤水土相尅奇耦老少皆不相配
 且皆自還本儀適與生氣相反又變卦翻卦皆至此
 七變而止是為最凶之象故小遊年大遊年皆以為
 絕命也

三爻俱變圖

小遊年絕體凶
 大遊年延年吉



乾三爻俱變為坤坤三爻俱變為乾兌三爻俱變為艮艮三爻俱變為兌坎三爻俱變為離離三爻俱變為坎震三爻俱變為巽巽三爻俱變為震乾坤坎離配洛書之奇兌艮震巽配洛書之偶又一與九三與七二與八四與六相加皆極十數地理家以孤陰孤陽為凶故小遊年取全變之義為絕體乾父坤母震長男巽長女坎中男離中女艮少男兌少女相宅家以陰陽正配為吉故大遊年取皆應之義為延年一吉一凶各隨其用爾

欽定協紀彙方書

卷二

本原二遊年變卦圖

巽

八宮卦象

小遊年 輔弼 五鬼 福德 絕體 天醫 生氣 遊魂 絕命









大遊年 伏位 禍害 天醫 延年 五鬼 生氣 六煞 絕命

乾宮
 爻爻不變 初世卦 二世卦 三世卦 四世卦 五世卦 遊魂卦 歸魂卦
 乾為天 天風姤 天山遯 天地否 風地觀 山地剝 火地晉 火天大有









坎宮
 坎為水 水澤節 水雷屯 水火既濟 澤火革 雷火豐 地火明夷 地水師

艮宮
 艮為山 山火賁 山天大畜 山澤損 山澤剝 火澤睽 天澤履 風澤中孚 風山漸









震宮

 震爲雷
 雷地豫
 雷水解
 雷風恒
 地風升
 水風井
 澤風大過
 澤雷隨

巽宮

 巽爲風
 風天小畜
 風火家人
 風雷益
 天雷姤
 火雷噬嗑
 山雷頤
 山風蠱

離宮

 離爲火
 火山旅
 火風鼎
 火水未濟
 山水蒙
 風水渙
 天水訟
 天火同人

坤宮

 坤爲地
 地雷復
 地澤臨
 地天泰
 雷天大壯
 澤天夫
 水天需
 水地比

兌宮

 兌爲澤
 澤水困
 澤地萃
 澤山咸
 水山蹇
 地山謙
 雷山小過
 雷澤歸妹

欽定協紀辨方書

卷二

本原一遊年變卦圖

學

欽定協紀辨方書卷三

義例一

選擇神煞古有建除堪輿叢辰諸家顧其義不盡傳起例尤多襲誤今頗為蒐輯擇其近理而雅馴者加之解釋正其舛誤庶吉凶之義因例可尋而不惑於世俗術數之說也作義例

總論

歲德

歲德合

欽定協紀辨方書

卷三

義例一 目錄

歲幹合

歲枝德

太歲

歲破

大耗

大將軍

奏書

博士

力士

蠶室

蠶宮

蠶命

喪門

太陰 弓客

羣醜

官符 畜官

白虎

黃幡

豹尾

欽定協紀辨方書

卷三

義例一目錄

病符

死符 小耗

劫煞

災煞

歲煞

伏兵 大禍

五兵總圖

歲刑

大煞

飛廉

金神

五鬼

破敗五鬼

太歲已下神煞出遊日

日遊神

欽定協紀辨方書

卷三

義例一目錄

三



總論

舉事無細大必擇其日辰義歟曰敬天也記曰易抱
龜南面天子卷冕北面雖有明智之心必進斷其知
焉示不敢專以尊天也夫古之君子居則觀其象而
玩其辭一事之至其合於何卦何爻應有何變何應
早已謀諸乃心而灼然況又謀及卿士大夫至於庶
民夫亦何患其不審乃又必動則觀其變而玩其占
耶凡以血氣心知之性必合諸虛靈不昧之天而後
天下之理得使足已而不問則未事而先失也選擇

欽定協紀辨方書


卷三

義例一總論

四

之義亦猶夫是天地神祇之所向則順之所忌則避
之既奉若於宮廷以彰昭事之忱又申布於閭左以
協休嘉之氣凡以敬天云爾如曰若是則福不若是
則禍則術士之曲說而非其本原也王充論衡闢之
不遺餘力則又儒士拘迂而未見大義善夫苟悅申
鑿曰或問時羣忌曰此天地之數也非吉凶所從生
也夫知其爲天地之數則固修身者所當順也知其
非吉凶所從生則一切拘牽謬悠之說具廢而所爲
順之避之者亦必有道矣

歲德




曾門經曰歲德者歲中德神也十幹之中五為陽五為陰陽者君道也陰者臣道也君德自處臣德從君也所理之地萬福咸集眾殃自避應有修營並獲福祐○廣聖歷曰甲德在甲乙德在庚丙德在丙丁德在壬戊德在戊己德在甲庚德在庚辛德在丙壬德在壬癸德在戊○考原曰律呂六陽當位自得六陰則居其衝歲德則五陽干當位自得五陰干則取其合蓋陽以自得為德而陰以從陽為德也

按甲丙戊庚壬五陽即以甲丙戊庚壬為德不同于

乙丁己辛癸以所合之干爲德者曾門經謂君德自處其文不足以暢厥旨蓋易之道陽一陰二陽爲德陰爲刑陽善也陰惡也是故陽之爲德也在不化乎陰而陰之爲德也在棄其本位而從乎陽易曰西南得朋西南陽也得朋陰從乎陽之謂也東北喪朋東北陰也喪朋棄其本位之謂也陰能化陽亦能從陽陽爲陰化陰斯慝矣能從乎陽斯爲德也然則陽惟一而陰有二矣是故甲德在甲甲陽也故甲卽甲之德也乙德在庚乙陰也庚能制乙者也在乙而從庚是卽乙之德也丙丁以下倣此

歲德合



欽定協紀辨方書

卷三


義例 歲德合

七

考原曰歲德合者歲德五合之干是也甲年在己乙
 年在乙丙年在辛丁年在丁戊年在癸己年在己庚
 年在乙辛年在辛壬年在丁癸年在癸故歲德屬陽
 歲德合屬陰

按歲德與歲德合並屬上吉有宜無忌然細推其義
 有剛柔之別焉歲德無問陰年陽年皆剛辰也歲德
 合無問陰年陽年皆柔辰也外事以剛內事以柔古
 之志也選擇家雖未論及此用者可以意通也

歲幹合



金匱經曰歲幹合者天地陰陽配合也主除滅災咎而興福祐也所理之方可以修營起土上官嫁娶遠行叅謁○歷例曰甲年在己乙年在庚丙年在辛丁年在壬戊年在癸取其與歲干相合者是也○考原曰今歷曰歲轉吉神無此條

按歲幹合為歲中大神而保章氏不著于簡者何也蓋乙丁己辛癸之年則所為甲丙戊庚壬者即歲德也甲丙戊庚壬之年則所為乙丁己辛癸者即歲德合也既有歲德歲德合則不必復著歲幹合之名也


雖然要各有義焉陰陽同職不同性故如五鬼之又
 為厭對又為六儀之類必兩著之歲幹合仍當存其
 目不得因彼而廢此也

欽定協紀辨方書

卷三

義例一歲幹合

歲枝德




神樞經曰歲枝德者歲中德神也德者得也得福之謂也主救危而濟弱所理之方利以興造舉動衆務○李鼎祚曰常居歲前五辰○曹震圭曰枝德者從太歲向前五合之辰也假令歲在甲子向前見己巳甲與己合卽巳爲枝德也又如歲在丙子向前見辛巳丙與辛合卽巳爲枝德也餘倣此今歷曰歲轉吉神無此條

按歲枝德者謂甲旣在子則巳上必己巳甲之合也其所合之神所居之枝則亦必吉矣地必從天枝必

從幹幹旣吉位枝必無凶其義然也其辰又爲死符又爲小耗歷家旣重死符小耗則不用此條然美惡不嫌同位吉凶不嫌同名死符爲營塚等事所忌小耗爲市易造作等事所忌苟所舉之事非此屬也則仍爲吉神矣卽同一興造如爲營居室歟則當以小耗論如爲治橋梁築堤岸損己之財以利衆之事歟則雖屬小耗而實爲枝德乃大吉也此條固不可廢

太歲



欽定協紀辨方書

卷三

義例一太歲

七

神樞經曰太歲人君之象率領諸神統正方位幹運
 時序總成歲功以上元闕逢困敦之歲起建於子歲
 徙一位十二年一週若國家巡狩省方出師畧地營
 造宮闕開拓封疆不可向之黎庶修營宅舍築壘墻
 垣並須迴避○黃帝經曰太歲所在之辰必不可犯
 ○曹震圭曰太歲者歲星也故木星十二年行一周
 天一年行一次也

按周禮馮相氏辨十有二歲鄭康成註曰歲謂太歲
 歲星與日同次之月斗所建之辰樂說謂歲星與日

常應太歲月建以見然則今歷太歲非此也賈公彥疏曰太歲在地與天上歲星相應而行歲星爲陽右行於天一歲移一辰又分前辰爲一百四十四分而侵一分則一百四十四年跳一辰十二辰市則總有千七百二十八年十二跳辰市以此而計之十二歲一小周謂一年移一辰故也千七百二十八年一大周十二跳市故也太歲左行於地一與歲星跳辰年數同其云歲星與日同次之月斗所建之辰者以歲星爲陽人之所見太歲爲陰人所不覩歲星與太歲


雖右行左行不同要之行度不異故舉歲星以表太歲歲星與日同次之月一年之中惟于一辰之上爲法若上元甲子朔旦冬至日月五星同在牽牛之初是歲星與日同次之月也十一月斗建子子有太歲至下年歲星移向子十二月日月會於元楊十二月斗建丑丑有太歲自此以後皆然也故引樂說以證太歲在月建之義也今歷太歲無跳辰之義故云非此經太歲也云云今按歲星右行於天太歲左行於地歲星歲移一辰十二年一周故曰歲星則歷之太

歲卽是保章氏所云十有二歲並非別有太歲顧太歲者歲之神歲星者歲之星舉太歲以表歲星則可謂太歲卽歲星則不可曹震圭之說非也太歲爲百神之統俗謂之年中天子神樞經謂國家巡狩省方出師畧地營造宮闕開拓封疆不可向之向之云者與太歲對則身居歲破之地也又曰若黎庶修造則並須迴避者太歲君象其方固上吉之方而非下民之所敢用猶月忌日爲中宮五黃民間須避是日同一義也故又謂之堆黃煞古人謂之歲下對方則亦

曰歲破漢王充論衡載移徙法曰徙抵太歲凶負太歲亦凶抵太歲名曰歲下負太歲名曰歲破是也

歲破

大耗



欽定協紀辨方書

卷二

義例一歲破

丙

廣聖歷曰歲破者太歲所衝之辰也其地不可興造
 移徙嫁娶遠行犯者主損財物及害家長惟戰伐向
 之吉○明時總要曰歲破者子年在午順行十二辰
 是也

按歲破為最凶之神而廣聖歷云戰伐向之吉者蓋
 向歲破即坐太歲而敵人乃居歲破之位也然則仍
 是用太歲非用歲破也

大耗

歷例曰大耗者歲中虛耗之神也所理之地不可營

造倉庫納財物犯之當有寇賊驚恐之事○明時總
要曰常居歲衝之地○曹震圭曰大耗者太歲擊衝
破散之神也物擊則破衝則散破散則耗也

按大耗卽係歲破而復以大耗名者爲建困倉納財
帛等事重著其義又以見太歲至尊無對如十二神
貴人之前爲天空雖名天空而空者空空如也非實
有是天空之神若夫歲破之義亦言其方爲歲所破
而非有歲破之神能破太歲也故又名之曰大耗也

大將軍



神樞經曰大將軍者歲之大將也統御威武總領戰
伐若國家命將出師攻城戰陣則宜背之凡興造皆

不可犯○李鼎祚曰孟歲

寅申巳亥

以勝光

午

仲歲

以小吉

未

季歲

辰戌丑未

以傳送

申

加歲枝上逢天罡

辰

爲大將軍如子年爲仲年卽以未加歲枝子上順數
至酉得辰卽酉爲大將軍也餘倣此○曹震圭曰大
將軍其德忠直常居四正三年一遷所理之地可以
命將帥選威勇以伐不義○考原曰大將軍者統御
武臣之職有護衛虎賁之象故居四正之位而從歲
君之後如寅卯辰歲在東方則居正北巳午未歲在
南方則居正東申酉戌歲在西方則居正南亥子丑
歲在北方則居正西也

按剋我者爲賊我剋者爲仇其拒仇賊而生我又後
於我者大將軍之象也淮南云子孫爲寶爻卽其義
也歲在東方木西方金剋我北方水拒隔之歲在南
方火北方水剋我東方木拒隔之歲在西方金與東
方木爲仇中央土拒隔之歲在北方水與南方火爲
仇西方金拒隔之其必居子午卯酉者在師中吉之

義歟或曰歲在西方而大將軍居午午爲火何言土也曰五行家以巳爲戊以午爲巳午固土也且大將軍必居太歲之右軍事尙右其右之正位必大將軍也


欽定協紀辨方書

卷三

義例一 大將軍

七


奏書



廣聖歷曰奏書者歲之貴神也掌奏記主伺察所理之地宜祭祀求福營建宮室修飾垣墻○蓬瀛書曰歲在東方奏書在東北維歲在南方奏書在東南維歲在西方奏書在西南維歲在北方奏書在西北維○曹震圭曰奏書者水神也為歲君之諫臣察私屈揚德意之神也常居近歲後維方謂輔佐之道不敢先也初起於乾者順天之道也所理之方可舉賢能於國有益


博士

六




堪輿經曰力士者歲之惡神也主刑威掌殺戮所居
 之方不宜抵向犯之令人多瘟疾○明時總要曰歲
 在東方力士居東南維歲在南方居西南維歲在西
 方居西北維歲在北方居東北維○曹震圭曰力士
 者天子之護衛羽林軍也常居歲前維方不敢遠於
 君也所在之方可詔此方之臣以誅有罪

蠶室



堪輿經曰蠶室者歲之凶神也主絲繭綿帛之事所
理之方不可修動犯之蠶絲不收○廣聖歷曰蠶室
者常與力士對衝

按太歲之四維一奏書二博士三力士四蠶室奏書
在太歲之後維天子古與稽今與居左圖右史所鑑
之以出治者也故於太歲爲最親而近爲神之貴而
吉者也博士文臣也出納王命行政施惠故與奏書
衝而在太歲之前亦吉神也力士武臣也在太歲之
前隅若羽林千牛旗纛旄麾之屬專掌殺伐故其方
之軍旅可命以討有罪也與力士對衝而在太歲之
後隅者後宮之地后妃之屬也後宮之事莫大於親
蠶以供郊廟祭祀之服故以蠶室名之而亦不可抵
向也



欽定協紀辨方書

卷三

義例一 蠶官

三


歷例曰蠶官者歲中掌絲之神也所理之地忌營構
 宮室犯之蠶母多病絲繭不收○黎幹曰歲在東方
 居戌在南方居丑在西方居辰在北方居未○考原
 曰蠶官者蠶室之官使蠶得養也如歲在東方屬木
 木養於戌故在戌歲在南方屬火火養於丑故在丑
 歲在西方屬金金養於辰故在辰歲在北方屬水水
 養於未故在未也

丑年未坤申寅卯辰年戌乾亥巳午未年丑艮寅申酉戌年辰巽巳假如亥子丑年蠶官在未蠶室在坤蠶命在申是也餘倣此

蠶官蠶命總論

人之生也食穀而衣絲殖穀者在野無一方而不宜也養蠶者在室則營構必有宜忌焉太歲爲本年之主則是年之蠶卽太歲之所生也所生之庫地卽蠶之官府也故有蠶官方位歲在東方東方木木生火火庫戌故戌蠶官也蠶以是年生則是年方位之所受生卽蠶所受命也故有蠶命方位歲在東方東方木木長生在亥故亥蠶命也餘倣此

喪門



欽定協紀辨方書

卷三


義例一 喪門

三五

紀歲歷曰喪門者歲之凶神也主死喪哭泣之事常居歲前二辰所理之地不可與舉犯之者主盜賊遺亡死喪之事○蓬瀛書曰子年在寅順行十二辰○曹震圭曰喪門者太歲之轅門也故常居歲前二辰或謂喪門與白虎對衝白虎主喪服之事衝之故凶

太陰

弔客



欽定協紀辨方書

卷三 義例一 太陰弔客

三

神樞經曰太陰者歲后也常居歲後二辰所理之地不可興修○曹震圭曰后妃所居者后宮也后宮之星在帝後二星紫微垣北極五星第二為帝星第四為后宮故太陰常居太歲後二辰子年起戌順行十二辰如子年則在戌丑年則在亥寅年則在子是也

按史記白圭傳曰太陰在卯穰明歲衰惡至午旱明歲美至酉穰明歲衰惡至子大旱明歲美有水至卯積貯率數倍張守節正義曰歲後二辰為太陰也又吳越春秋載計倪曰太陰所居之歲留息三年貴賤

見矣又越絕載計倪曰從寅至未陽也太陰在陽歲德在陰歲美在是聖人動而應之制其收發然則太陰之神爲年穀豐歉水旱之占也今歷家謂修造等事不宜抵向其說不符於古然或別有所自來未可遽以爲非顧從太陰例之則所謂蠶室蠶官蠶命者其方位所在必有每歲蠶絲豐歉之占而今不可考矣又按四利三元以太歲前三位爲太陰與此同名不同位蓋各爲一家之言不嫌並存也

弔客


欽定協紀辨方書

卷三

義例一弔客

三七

紀歲歷曰弔客者歲之凶神也主疾病哀泣之事常居歲後二辰所理之地不可興造及問病尋醫弔孝送喪○蓬瀛書曰子在戌順行十二辰是也其位常與官符對衝



蓬瀛書曰歲在四孟太陰與大將軍合于四仲名曰羣醜○歷神原始曰天地凶殃必在羣醜


太陰大將軍喪門弔客總論

按天文志中宮天極星其一明者太一常居也旁三星三公或曰子屬後勾四星末大星后妃餘三星後宮之屬也禮記曰天子掌陽教后掌陰教故以歲後二辰象之而名之太陰焉夫太陰之職將以助陽出治也大將軍之職雖主殺伐然殺伐者凡以鋤邪凶而扶正直亦所以佐陽出治也若其年太陰與大將

軍同位則是窮陰沍寒奸惡暴亂而絕無生養之意
矣故曰羣醜爲方位之最凶也然太陰之方又爲弔
客者何歟蓋歲後二位與歲前二位必屬三合如太
歲在午則後二辰前二申申與辰必暗拱子以尅太
歲矣太歲在丑則後二亥前二卯卯與亥必暗拱未
以衝太歲矣爲太歲所衝尅與衝尅太歲者皆死地
也然則扶助之者非喪門弔客之象歟門必在前故
前爲喪門客者自他方至者也故後爲弔客陰陽之
義美惡不嫌同位各從其所用耳喪門之位又爲朱
雀則以前朱雀後元武而以太歲前二位爲朱雀耳
今曹震圭以喪門爲太歲之轅門則泥於門字之名
而不知太歲之門不必喪也亦可喞矣

官符

畜官



歷例曰官符者歲之凶神也主官府詞訟之事所理
 之方不可與土工犯之者當有獄訟之事常居歲前
 四辰○曹震圭曰歲中掌符信之官文權之職也常
 居三合前辰故前辰為文官後辰為武職假令歲在
 寅寅午戌為三合則午有官符文權也戌有白虎武
 職也餘倣此

廣聖歷曰畜官者歲中牧養之神也主養育羣畜之
 事所理之方忌造牛欄馬櫪及放牧犯之者損六畜
 傷財○歷例曰居歲前四辰○曹震圭曰畜者養也

是養畜之官以待百官之乘驛者也居三合前辰與
 官符同位

按通書年表神煞方位以三合五行臨官之位為天
 官符故此又名地官符以別之地之云者以其隨地
 支逐歲而移也陰陽家最重山向並論三方地官符
 三方弔照太歲故忌興造


欽定協紀辨方書

卷三

義例一官符畜官

三

白虎



人元秘樞經曰白虎者歲中凶神也常居歲後四辰所居之地犯之主有喪服之災切宜慎之○曹震圭曰居三合後辰解見官符節

按官符白虎歲三合也太歲之引從也引為文曰官符從為武曰白虎前陽而後陰也畜官同官符者猶先馬也因以為六畜之占


欽定協紀辨方書

卷三

義例一白虎


黃幡

三



乾坤寶典曰黃幡者旌旗也常居三合墓辰所理之地不可開門取土嫁娶納財市買及有造作犯之者主有損亡○廣聖歷曰黃幡者寅午戌歲在戌申子辰歲在辰亥卯未歲在未巳酉丑歲在丑○曹震圭曰黃幡者歲君安居之位華蓋也故取三合五行墓辰墓者土也故言其黃洞源經曰將出乎中軍蓋張於庫上此之謂也

豹尾




乾坤寶典曰豹尾者亦旌旗之象常居黃幡對衝其所在之方不可嫁娶納奴婢進六畜及興造犯之者破財物損小口○曹震圭曰豹尾者虎賁之象先鋒之將也故常與黃幡相對是置於華蓋之前也

黃幡豹尾總論

黃幡者三合之季象華蓋也與黃幡相對者爲豹尾其喜忌亦相同蓋皆歲君之鹵簿大駕以見不可犯之意耳寅申巳亥年豹尾在前黃幡在後子午卯酉年豹尾在後黃幡在前曹震圭以豹尾爲先鋒之將

而置于華蓋之前則非也又按子午卯酉年黃幡卽是官符豹尾卽是弔客寅申巳亥年黃幡卽是白虎豹尾卽是喪門辰戌丑未年黃幡卽是太歲豹尾卽是歲破然則黃幡豹尾二神固虛設也以其無甚悖理仍存其舊名

病符



欽定協紀辨方書

卷三


義例一 病符

三

乾坤寶典曰病符主災病常居歲後一辰○曹震圭
 曰居歲後一辰是言舊歲也新歲將旺舊歲必衰衰
 則病也

死符

小耗



欽定協紀辨方書

卷三

義例一死符小耗

三

經曰死符者歲之凶神也所理之方不可營塚墓置
 死喪及有穿鑿犯之者主有死亡常居歲前五辰○
 曹震圭曰死符者是太歲自絕之辰也假令太歲在
 子是當旺也則丑為衰寅為病卯為死辰為墓巳為
 絕也餘倣此

經曰小耗者歲中虛耗之神也所理之方不宜運動
 出入興販經營及有造作犯之者當有遺亡虛驚之
 事○明時總要曰常居歲前五辰○曹震圭曰小耗
 者小損也乃太歲氣絕之辰故曰小耗假令寅年寅

旺卯衰辰病巳死午墓未絕也與死符同位餘倣此
○考原曰小耗常居大耗後一辰未至於大耗故曰
小耗

病符死符小耗總論

病符舊太歲也病符所衝則死符也病之所究極非
死而何何以不名本年太歲所衝爲死符耶太歲爲
一歲之君德刑並施其所衝禍且不止於死而福亦
未可料也故六壬類神以歲破爲貴相謂得坐而論
道也若舊太歲休廢之氣所衝則必死矣又爲小耗

欽定協紀辨方書

卷三

義例一病符死符小耗總論

三七

者則以次於大耗而言太歲所衝爲大耗則舊太歲
所衝爲小耗云耳太歲所破其爲亡耗大矣迨易歲
之後而元氣未復有小耗之象焉故舊歲破爲小耗
也又易曰天數五地數五數至五而極歲前五辰數
居其極故爲死符是亦一說也曹震圭以歲前五辰
爲太歲絕氣蓋亦數窮之意然其說似是而非夫長
生沐浴以至絕胎養皆從五行旺相休囚死而言謂
之五勝又從五勝細區之而爲是十二位云耳夫五
行歷乎四季加以中央土則五勝起焉五行歷乎十

二辰而各有寢昌寢微之漸則十二位立焉又同爲一行陽順而陰逆陽死則陰生陰死則陽生于以成五行之氣之無終絕其旨深也今太歲者歲陰也雖行乎五行之中而不定其爲何行安得指其本位爲帝旺而以其前五爲絕位哉如以前五爲絕位則將以舊太歲爲新太歲臨官之位乎不可通矣且陽順則前五爲絕矣陰逆則又當以後五爲絕陰年太歲豈又將以後五爲死符耶


欽定協紀辨方書

卷三

義例一病符死符小耗總論

三

劫煞



神樞經曰劫煞者歲之陰氣也主有殺害所理之方
 忌有興造犯之主有劫盜傷殺之事○李昉祚曰寅
 午戌歲在亥亥卯未歲在申申子辰歲在巳巳酉丑
 歲在寅是也


欽定協紀辨方書

卷三

義例一劫煞


三

災煞




神樞經曰災煞者五行陰氣之位也常居劫煞前一辰主災病疾厄之事所理之方不可抵向營造犯之者當有疾患○曹震圭曰災煞者三合五行胎神也洞源經曰劫煞起於絕災煞起於尅假令申子辰年合水局水絕於巳故劫煞在巳胎於午又水與午火相尅故災煞在午也巳酉丑年合金局金絕於寅故劫煞在寅胎於卯又金與卯木相尅故災煞在卯也餘倣此

歲煞



神樞經曰歲煞者陰氣尤毒謂之煞也常居四季謂
四季之陰氣能遊天上○李昉祚曰寅午戌煞在丑
巳酉丑煞在辰申子辰煞在未亥卯未煞在戌○廣
聖歷曰歲煞之地不可穿鑿修營移徙犯之者傷子
孫六畜○曹震圭曰月煞者二合五行成形之位所
謂養是也大抵物之成形母必有傷故曰煞○考原
曰劫煞災煞歲煞是爲三煞如曹氏說則三合五行
絕胎養之位也絕胎養者墓庫以後長生以前神樞
經所謂陰氣是也或謂三煞者三合五行當旺之衝
故有宜向不宜坐之說如申子辰合水局水旺於北
方南方其衝也故三煞在南方巳午未餘倣此

伏兵
大禍



欽定協紀辨方書


卷三

義例一伏兵大禍

聖

歷例曰伏兵大禍者歲之五兵也主兵革刑殺所理之方忌出兵行師及修造犯之主有兵傷刑戮之咎○黎幹曰寅午戌歲伏兵在壬大禍在癸亥卯未歲伏兵在庚大禍在辛申子辰歲伏兵在丙大禍在丁巳酉丑歲伏兵在甲大禍在乙是也○曹震圭曰伏兵大禍者以三合五行相尅之陽干爲伏兵陰干爲大禍伏兵災甚大禍災輕○考原曰伏兵大禍夾處於三煞之間如申子辰年三煞在巳午未伏兵大禍則在丙丁是也餘倣此

五兵總圖



欽定協紀辨方書

卷三 義例一 五兵總圖


三

按天以一而圓地以兩而方人以三而角天地無心
 人者天地之心也是故一生二二生三至於三而萬
 物旅生矣圓而方之三角出焉至於角而一微畢見
 矣是故本天下之至簡以極天下之至賾推天下之
 至隱成天下之至顯者必於三角得之然則三角者
 天地之心陰陽之端鬼神之會五行之秀氣也是故
 三合者神煞之所最重三合必三角也太歲者為而
 不宰其性情畢見於三合故太歲之下神之大者以
 三煞為首焉三煞者與太歲為敵為對者也假如太

歲在寅午戌三合方自寅至午中爲卯辰巳東南春夏之交非類也自午至戌中爲未申酉西南西夏秋之交亦非類也若自戌至寅中爲正北亥子丑則三冬月令壬癸水之位與寅午戌火局爲敵爲對矣是故以丑爲歲煞歲煞者三合爲火而寅爲首丑居寅上是據其顛頂而壓之者也猶夫月壓之在太陽前一位也必爲歲所煞故曰歲煞也亥爲劫煞劫者三合爲火而戌居終亥居戌下是睥睨其間以代其位者也有盜之象焉故曰劫煞也三合爲火而午居中午

者火德盛滿之會也有其衝之必有災也子者正位之衝也故曰災煞也夫地支固如是矣而地支之位必有天干之寄居者焉亥子丑之間壬癸居之陽壬爲伏兵陰癸爲大禍則以其方位亦與三煞同也不用戊己者戊己中宮之氣旣以三合論則不用戊己猶夫三合成局則不得有土局也餘可類推若夫曹震圭絕胎養之說則無當於理矣考原所謂宜向不宜坐之說最爲得之蓋三煞之方皆太歲之所惡而不可居非以其能敵太歲而畏之也

歲刑



欽定協紀辨方書

卷三 義例一歲刑

墨

翼氏風角曰金剛火強各守其方木落歸根水流趨
 末○曾門經曰巳酉丑金之位刑在西方言金恃其
 剛物莫與對寅午戌火之位刑在南方言火恃其強
 物莫與對亥卯未木之位刑在北方言木恃榮華故
 陰氣刑之使其彫落申子辰水之位刑在東方言水
 恃陰邪故陽氣刑之使不復歸所以子刑卯丑刑戌
 寅刑巳卯刑子巳刑申未刑丑申刑寅戌刑未辰午
 酉亥為自刑也○儲泳祛疑說曰三刑是極數子卯
 一刑也寅巳申二刑也丑戌未三刑也自卯順至子

自子逆至卯極十數自寅逆至巳巳逆至申極十數丑順至戌戌順至未極十數皇極中天以十爲殺數積數至十則悉空其數天道悉盈滿則覆也此三刑之法所由起也○廣聖歷曰歲刑之地攻城戰陣不可犯之動土興工亦須迴避犯之多鬪爭○考原曰相刑之說翼氏最明蓋以巳酉丑刑申酉戌則巳刑申酉自刑丑刑戌也以寅午戌刑巳午未則寅刑巳午自刑戌刑未也以申子辰刑寅卯辰則申刑寅子刑卯辰自刑也以亥卯未刑亥子丑則亥自刑卯刑子未刑丑也

欽定協紀辨方書

卷三

義例一歲刑


巽

刑子未刑丑也

按翼氏風角四語曾門經與考原申其旨亦明顯矣顧所謂木恃榮華故陰氣刑之水恃陰邪故陽氣刑之其說猶不無矯強而辰午酉亥自刑之理亦未有論及之者也儲泳天道悉盈數極于十之說亦有妙義要亦不出翼奉四語今繹其旨而得自刑之說焉金火剛強水木柔弱故金刑金方火刑火方剛強者必自戕也而金莫剛於酉火莫強於午則并不特自戕其本方而已且自戕其體焉若水木之柔弱則必

被戕於生我者與所生者水生木而刑木木生於水而刑水生我之門死我之戶孟子所爲死於安樂者其斯之謂歟以亥卯未刑亥子丑而亥轉自刑亥木根也所爲木落歸根也以申子辰刑寅卯辰而辰轉自刑辰水庫也所爲水流趨末也

大煞



歷例曰大煞者歲中刺史也主刑傷鬪殺之事所理之地出軍不可向之併忌修造犯者主有刑殺○明時總要曰子年起子逆行四仲○曹震圭曰大煞者是歲三合五行建旺之辰將星之位名曰刺史○考原曰大煞子年在子丑年在酉寅年在午卯年在卯辰年又在子如是逆行四正蓋申子辰三合爲水水旺於子也巳酉丑三合爲金金旺於酉也寅午戌三合爲火火旺於午也亥卯未三合爲木木旺於卯也按子午卯酉水火木金之正位也天地之交而日月之衝也故太歲在四正則太歲自當之名太歲則大煞不足云矣猶天子自理其畿內也若太歲在孟季則正位亦成大煞大煞云者亞於太歲而重於官符白虎也故歷例有刺史之稱蓋古刺史得生殺一方也

順布而成歲也飛廉子年起申子爲水旺申爲水生是以旺而逆歷於生也由是卯年在巳午年在寅酉年在亥以子卯午酉四旺之序而逆歷於申巳寅亥四生之方則并其生而亦逆矣丑年起酉丑爲金墓酉爲金旺是以墓而逆歷於旺也由是辰年在午未年在卯戌年在子以丑辰未戌四墓之序而逆歷於酉午卯子四旺之方則并其旺而亦逆矣寅年起戌寅爲火生戌爲火墓是以生而逆歷於墓也由是巳年在未申年在辰亥年在丑以寅巳申亥四生之序而逆歷於戌未辰丑四墓之方則并其墓而亦逆矣夫順天者以德逆天者以力此豈非恃力悖德之象乎故以飛廉喻之又名大煞者在歲名飛廉在月名大煞變其名使不紊也又按子丑寅午未申年飛廉卽是白虎卯辰巳酉戌亥年飛廉卽是喪門然則飛廉之神亦與黃幡豹尾同可有可無者也

金神



欽定協紀辨方書

卷三

義例 金神


三

洪範篇曰金神者太白之精白獸之神主兵戈喪亂
 水旱瘟疫所理之地忌築城池建宮室豎樓閣廣園
 林興工上梁出軍征伐移徙嫁娶遠行赴任若犯干
 神者其忌尤甚○堪輿經曰甲己之年在午未申酉
 乙庚之年在辰巳丙辛之年在子丑寅卯午未丁壬
 之年在寅卯戌亥戊癸之年在申酉子丑也○曹震
 圭曰金神者以年幹五虎元歷之逢庚辛及納音金
 之位者是也假如甲己之年起丙寅順行得庚午辛
 未又壬申癸酉納音爲劍鋒金故甲己年午未申酉

爲金神也餘倣此

按選擇宗鏡以五虎遁得庚辛之方爲天金神旬內
納音屬金者爲地金神以天金神爲重卽洪範篇所
謂若犯干神其忌尤甚也又云天金神一名遊天暗
曜犯之患眼最準其說爲近似若洪範篇所云未必
若是之甚兵戈喪亂水旱瘟疫豈係一家之犯金神
煞所致耶


五鬼



歷例曰子年在辰逆行十二辰○曹震圭曰辰與子水之精丑與卯木之精未與酉金之精午與戌火之精寅申巳亥土之精謂土能生育萬物四孟爲五行長生之辰也故子年在辰逆行自然相合也○考原曰曹氏五行之說未確以理求之殆以歲序起子而順行二十八宿起辰而逆行順者爲陽爲人逆者爲陰爲鬼各以其數之起處轉而相應也

按五緯皆起於辰而逆行五鬼亦起於辰而逆行然則五鬼者五緯之魄氣也五緯不皆十二歲一周而五鬼則十二歲一周以歲星爲五緯之長故從歲星也鬼也者氣返而歸者也象其幽陰故名之曰鬼也鬼必五者鬼五星其中一星曰質芻芻不明爲積尸氣明則所臨之下有積尸故取鬼宿第五星以象之而名之曰五鬼非真自一至五而鬼有五也子午年與官符同位丑未年與喪門同位寅申年與太歲同位卯酉年與太陰同位辰戌年與白虎同位巳亥年與歲破同位各隨其所同位之神以類相應

破敗五鬼



欽定協紀辨方書

卷三

義例一破敗五鬼

五

乾坤寶典曰五鬼者五行之精氣也主虛耗之事所
 理之方不可興舉犯之主財物耗散○歷例曰甲壬
 年在巽乙癸年在艮丙年在坤丁年在震戊年在離
 己年在坎庚年在兌辛年在乾○曹震圭曰按納甲
 法乾納甲壬其衝在巽故甲壬之年在巽也坤納乙
 癸其衝在艮故乙癸之年在艮也艮納丙其衝在坤
 故丙年在坤也兌納丁其衝在震故丁年在震也坎
 納戊其衝在離故戊年在離也離納己其衝在坎故
 己年在坎也震納庚其衝在兌故庚年在兌也巽納

辛其衝在乾故辛年在乾也

按破敗五鬼云者以其方衝破歲幹所納之卦位故以破敗爲名而亦係之以五鬼者言其幽陰之象云爾是從歲破之例例之而及於卦位者也然後天卦位則然而先天卦位則又不爾且後天卦位所爲出震齊巽云云者是從東以至東北爲一歲天行之序也古聖並未嘗以方位衝射言之若夫先天八卦天地定位山澤通氣雷風相薄水火不相射轉以對待爲義不嫌衝射也然則強取易卦以就建除之例謂

欽定協紀辨方書


卷三

義例一破敗五鬼

五

巽能破敗乾宮之氣艮能破敗坤宮之氣者於理不可通也今以舊歷所用姑存之實則無所關係

太歲已下神煞出遊日



欽定協紀辨方書

卷三

義例一太歲已下神煞出遊日


五

歷例曰太歲出遊日者甲子日東遊己巳日還位丙子日南遊辛巳日還位戊子日遊中宮癸巳日還位庚子日西遊乙巳日還位壬子日北遊丁巳日還位共出遊二十五日○曹震圭曰太歲諸神者陰氣之化地祇也蓋子至巳乃陽氣健旺之辰陰氣受制於陽神不敢用事故假言其出遊耳○考原曰出遊日各以五子日幹爲所往之方甲爲東方木故甲子日東遊丙爲南方火故丙子日南遊庚爲西方金故庚子日西遊壬爲北方水故壬子日北遊戊爲中央土

故戊子日遊中宮五者生數之極故各出遊五日共五五二十五也

按太歲者地祇也地祇從支故以五子爲斷甲木也東也故甲子至己已在東丙火也南也故丙子至辛已在南餘三子倣此甲子日東遊則西南北可併工修造也東則雖本屬空方猶當有所忌若本不空則無論矣其曰太歲己下神煞者諸神煞皆從太歲而有太歲既不居本位則諸神煞皆無矣若謂出遊之日四方皆空則但當舉此二十五日爲悉無禁忌可也何必分東西南北乎其以五日爲斷者天數五地數五五者數之終也

日遊神



欽定協紀辨方書

卷三

義例二日遊神

美

歷例曰癸巳至丁酉日在房內北戊戌己亥日在房內中庚子辛丑壬寅日在房內南癸卯日在房內西甲辰至丁未日在房內東戊申日又在中心己酉日出遊四十四日遊神所在之方不宜安產室掃舍宇設牀帳其義未明

今按日遊神載於時憲書明代承元授時歷即有之其前則莫可考矣歷例曰其義未明自來未有為之說者然俗所遵信南方民俗又有所謂鶴神方者出行忌抵向之甲子乙丑日在東南方之巳丙寅轉丙

午丁方五日而轉未坤申方六日而轉庚酉辛方五日而轉戌乾亥方六日而轉壬子癸方盡五日則爲壬辰矣癸巳日起至戊申日止此十六日謂之鶴神上天至己酉日又出至丑艮寅方六日而轉甲卯乙方五日而轉辰巽巳方凡四日爲癸亥矣辰二日巽二日而甲子乙丑又從巳起凡居四維則六日而去居四正則五日而去載於婁元禮所作田家五行其說云鶴神已酉日下地東北方乙卯轉正東庚申轉東南丙寅轉正南辛未轉西南丁丑轉正西壬午轉西北戊子轉正北癸巳上天在天上之北戊戌日轉天上之南甲辰轉天上之東己酉復下地周而復始括云纔逢癸巳上天堂己酉還居東北方上天下地之日晴主久晴雨主久雨轉方稍輕若大旱年雖轉方天並不作變諺云荒年無六親旱年無鶴神今紬繹之暗與日遊神相應蓋日遊神以癸巳日在室共十六日至己酉日而出遊四方共四十四日鶴神以癸巳日上天亦共十六日至己酉而下地巡歷四方亦共四十四日此以爲在室則彼以爲在天其在四

方則同此四十四日也夷考其意確有至理蓋卽天罡煞氣之遊行耳夫陽必有陰猶手之有掌背也陽以生而陰以殺道並行而不相悖凡陽所到處卽陰所到處其所托始必於陽氣極盛之時故甲子乙丑日起巳方也其居四正則少一日居四維則多一日者正爲陽而維爲陰陽奇而陰偶也亥子丑者日光之所不照也積陰之區乃其家也故居之特爲最久西北維正北方東北維旣十七日矣又有上天十六日合爲三十三日統而計之其在他方則爲二十七日二十七者三三也其在本方則爲三十三日三十三者亦三三也癸方遇癸尤爲重陰巳者陰生陰盡之會也故旣起於巳方而上天又必以癸巳日癸巳至戊申十六日乃遇巳酉巳者革位也酉者金之正位也以巳酉日出於丑方合上天而計之則又巳酉丑金全局也於是又歷東北以至東南而壬戌癸亥干支數盡焉恰又交於巳矣夫陽盡午中陰盡子中巳則當覓陸夬夬之爻爲金煞之所由起易之大義也室中者與四方爲對者也故爲中宮之象而以上

天之十六日當之夫上天云者言其不偏於一方耳夫豈真有上天者哉故室中之象似之而細區其方仍始自北由北而南而西而東即日遊神所在之方也安產室安牀則不宜抵向日遊神出行則不宜犯鶴神總以其為陰煞之氣故忌之也轉方則天有風雨陰陽之氣交也其義曉然可見唯鶴神之名則從俗之稱而莫可解意者鶴為噩字之訛酉日作噩噩神猶金神歟

附鶴神圖

欽定協紀辨方書

卷三

義例一附鶴神圖

空

